

Hronika jos nekaznjenog ratnog zlocina (1)

NA SNAGOVU U JEDNOM TABUTU 21 MEJIT

Bio je 29. april 1992. godine kada su na Snagovu u opcini Zvornik komsije iz srpskih paravojnih formacija sa vojnicima bivse JNA i drugim ubicama opkolile vise stotina Bosnjaka na lokaciji Rasidov han. I kod

jedne garaze pricinili stravicani masakr pobivsi 39 mjestana Snagova, medju njima i trudnice, djecu, nene i djedove.

To je zlikovcima bilo malo pa su vecinu zrtava spalili. Zato su nadjene prosto stopljene kosti skeleta 21 zrtve pa se cak ni najmodernijom DNK metodom nisu mogle identificirati.

Zbog toga je na dzenazi zrtvama zlocina na Snagovu, koju je vodio tadašnji muftija, a nas sadašnji reisu-l-ulema Husein ef. Kavazovic, medju tabutima, u sredini, bio jedan veci tabut. Tabut sa vatrom vezanih

ostataka 21 mejita. Tu sliku treba poslati svim negatorima genocida. Ne znam da li se i gdje u svijetu u jednom tabutu kopa 21 mejit, Samo se to moze vidjeti u Bosni i na bosnjackim mezarjima.

Jos je zalosnije sto za ovaj stravicni zlocin ni nakon 24 godine niko nije osudjen. Samo je jedna osoba do sada bila optuzena i na sudu pravomocno oslobodjena. Nije pomoglo ni svjedocenje djevojke kojoj su pobili pola familije, a ona to gledala i pukim slucajem ostala ziva.

Ubijena i spaljena braca Omic ukopana u istom tabutu

Bila je jedna od dzenaza u spomen-kompleksu Veljaci u Bratuncu.

U jednom malom tabutu bila su dva mejita, a u njima na onaj bolji svijet otisla vatrom u smrti stopljena tijela dvoje djece, brace Hajrudina i Nurdina Omica. Imali su 8 i 11 godina, ubijeni i spaljeni sa ocem Nurifom, koji je ukopan uz svoje sinove dok ostaci majke Zehte jos nisu pronadjeni.

I nista se ne mijenja, a familije Omic vise nema. U dva tabuta babo Nurif i njegovi sinovi Hajrudin i Nurdin. Dva basluka uz jedan kabur i jos ostalo mjesto za ubijenu i spaljenu majku i suprugu Zehtu, a pravda je za Omice jos na cekanju...











